
УКРАИНАНИНГ ЎЗБЕКИСТОНДАГИ ФАВҚУЛОДДА ВА МУХТОР ЭЛЧИСИ ФАРҒОНАГА КЕЛДИ

Вилоят ҳокимлиги қабуллар уйида вилоят ҳокимининг ўринбосарлари Иқболжон Эргашев ва Хуршид Аҳмедов Фарғона вилоятига ташриф буюрган Украинанинг Ўзбекистондаги фавқулодда ва мухтор элчиси Николай Дорошенко бошчилигидаги делегация аъзолари билан учрашдилар.

Мулоқот чоғида мамлакатимизнинг, хусусан Фарғона вилоятининг Украина билан йўлга қўйилаётган ҳамкорлик алоқаларини ривожлантириш ва мустақамлаш масалалари муҳокама қилинди.

Учрашувда Украина элчисига вилоятимизда сўнгги йилларда олиб борилаётган бунёдкорлик ва ободонлаштириш жараёнлари, вилоятнинг улкан иқтисодий-инвестицион ва туристик салоҳияти ҳақида батафсил маълумот берилди. Шунингдек, 2022 йилнинг март ойида Тошкентда халқаро бизнес форум ўтказилиши белгилангани ва Фарғона-Украина ҳамкорлигида инвестицион лойиҳаларни амалга оширишни режалаштираётган украин корхоналари рўйхати берилса, уларнинг вакилларини ушбу анжуманга таклиф қилиниши билдирилди.

Элчи Николай Дорошенко ушбу таклифни қабул қилар экан, 2022 йил май ойида Киевда ташкил этилаётган катта форум ҳақида ҳам тўхталиб, иқтисодий алоқаларни яхшилаш мақсадида Фарғона вилояти делегациясини форумга таклиф қилди.

Фарғона вилояти ва Украина ўртасида иқтисодий-инвестицион ҳамкорликни ривожлантириш бўйича икки томонлама йўл харитаси тайёрлашга келишиб олинди.

Шунингдек, элчи Украинанинг Николаев шаҳри ва Фарғона шаҳри ўртасида биродарлик алоқаларини ўрнатиш бўйича ҳам ўз таклифини билдирди.

Меҳмонлар ташриф доирасида вилоятимизнинг диққатга сазовор туристик жойлари ва миллий хунармандчилик марказлари билан яқиндан танишиб чиқадилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-01-12 12:15:19